

I nagrada - POEZIJA, V - VII razreda

Ala je lep ovaj svet?

Reći ću vama s ponosom prvo – moj prijatelj je hrastovo drvo.

Tamo iza stećaka, što čuvaju mudrost mojih predaka,

živi jedan stari džin i ja često drugujem s njim.

Kad god sam usamljen, u dilemi,

Kad god sam uznemiren i bura je u meni,

Kad god me nešto tišti i vrijeđa,

Oslonim se na hrapavu koru koja mi prijateljski čuva leđa.

Taj kovrdžavi starac, iskusni savjetodavac,

Džin je svilene duše poput Hagrida koji Harijeve nevolje prekida.

Moj heroj strahove ima, i njemu teret leži na leđima.

Moj se heroj nečega plaši, i njegov strah i mene straši.

Kad god je tužan, i ja tugujem.

S njegovim neprijateljima ja ne drugujem.

Moj heroj heroja ima; o njegovim jadima govorim svima:

Dželat pluća crnih od duvanskog dima misli da na heroja pravo ima.

U bezubim ustima razvlači žvaku; bonton je izgubio negde u mraku.

Ruši, lomi, gazi, siječe – stvorenje bez lica na obraz ne pazi.

Hrastova grana i moj dlan hrabro, zajedno u novi dan!

Pomozite nam i vi! Prozovimo one koji su krivi!

Pritisnimo alarma tastere!

Nadjačajmo zvuke motorne testere!

Nek ovo bude poruka vijeka – drvo je prijatelj za čovjeka!

ŠIFRA: v1402v2010

Vuk Janičič VII-2

OŠ „Milan Vuković“

Mentor: Duška Jovanović